

BERRI OROKORRAK

2025eko irailaren 19an

2. zenbakia

Ikasketa-beka

2025/2026 ikasturterako Eusko Jaurlaritzak bideratzen duen beka eskatzeko epea **urriaren 6ra** arte irekita egongo da.

Informazio guztia [hemen](#) ikus dezakezue. Edozein zalantza argitzeko edo argibide gehiagorako idazkaritzarekin jarri harremanetan.

Era berean, Udarregi Ikastolak, irakaskuntzaren finantzazioari laguntzeko asmoz, beka-sistema propioa eskainiko die bere bazkideei. Beka-sistemaren baldintzak, aurkeztu beharreko dokumentazioa eta diru-laguntzaren zenbatekoaren inguruko xehetasunak [hemen](#) irakur daitezke.

Beka idazkaritzan bideratzeko eskatu txanda idazkaritzan.



Liburutruk

Liburutruken parte hartzen duten ikasleei, liburuak, ikastolako lehenengo egun hauetan banatzen ari zaizkie. Liburuak jasotzearekin batera, ikasle bakoitzak liburu guztiak jaso dituela egiaztatu beharko du. Edozein gorabehera zuzentzeko 10 eguneko epea egongo da. Epe hori pasata, liburu guztiak behar bezala jaso direla ulertuko da. Ikasturte amaieran **liburu guztiak** egoera egokian (puskatu eta margotu gabe,...) itzultzen ez badira, bere kostu prezioan kobratuko dira.

Bigarren zatiaren kobrantza, **irailaren 30ean** egingo dela jakinarazten da.



Jangela-zerbitzua

- ❖ **Jangela-batzordea:** bertan jangela-zerbitzuaren eskaintzaz, funtzionamenduaz, antolamenduaz eta menuez hitz egiten da, besteak beste. Funtzionamenduaren jarraipena egiteko, bi hilabetez behin ordubeteko bilerak egiten dira. Bertan parte hartu nahiko bazenu, idazkaritzara deitu edo gelako tutoreari adierazi.



- ❖ **Txandak:** Irailaren 29tik aurrera bazkaltzeko bi txanda egongo dira:

HH3-LH2: 12:30ean

LH3-DBH4: 13:30ean

- ❖ **Izen-ematea:** norbaitek jangela zerbitzua erabili behar izanez gero edo izena emanda egonik ez bada zerbitzurik behar, usurbil@ikastola.eus helbide elektronikora mezua bidaliz jakinaraziko du gutxienez bezperan 13:00ak aurretik.

Garraio publikoa erabiltzeko txartela

Euskotren-etik jakinarazi digute hemendik aurrera taldeko txartela ateratzeko aukerarik ez dela izango eta Eusko Jaurlaritzak onartu duen hobari sistema kontutan izanik, Zuzendaritza Taldeak irteeretarako, ahal den neurrian, garraio publikoa erabiltzea lehenetsi du. Hori horrela, irteerak modu egokiagoan eta merkeago egite aldera, gomendatzen da **ikasle bakoitzak bere Mugi txartela ateratzea**. Era horretan, 12 urtetik beherakoek doan bidaiatuko dute eta gainerakoek %50eko deskontua izango dute.



Eskola-kirola

Irailaren 29ko astean hasiko dira esku ilota, Zirimarako (LH1-4) eta Zirimara multikiroleko (LH 5 eta 6) eskaintzak. OHARRA: Zirimarako (LH1-4) haurrak, dagokien egunean, kiroldegiko aldapako sarrerara azaldu daitezela.




Kilometroak 2025

Urriaren 5ean Elgoibarren ospatuko da aurtengo KILOMETROAK festa .
Jai handia da eta lan egiteko oinarria auzolana da. Hori dela eta egun horretan txoznetan lan egiteko laguntza eskatzen dute.
Laguntza emateko prest bazara, bete mesedez [galdetegia](#)



Telefono mugikorrei eta smartwatchei buruzko arautegia ikastolan

Azken urteetan ikasleak ikastolara ekartzen dituzten mugikor, Smartwatch edo erloju adimenduekin, egunerokotasunean arazoak izaten ari gara. Arazo horiek, aipaturiko gailu horiek dituzten jolas, kamara eta aplikazio desberdinek sortzen dizkigute.



Bestalde, gure ikasleen adina kontuan hartuta, ulergarria da gailu horien baliabide ugariak ongi kudeatzeko gai ez izatea.

Ondorioz, gai honekin loturik ikastolak duen arautegia bidaltzen dizuegu.

- Debekatuta dago telefono mugikor eta smartwatch-en erabilpena ikastolako ordutegian, jangela eta zaintza barne.
- Gailuak ezingo dira soinean eraman, motxilan gordeta eduki beharko dira.
- Ikastola ordutan itzalita edukiko dituzte.
- Irteeretan: Egun edo gaua pasatzeko irteeretan, telefono edo smartwatchen erabilpena ikastolan arautzen den berbera da.
- Arauak hautsiz gero, (ikastolan edo irteeretan), lehenengo aldian ikasleari gailua kendu egingo zaio, gurasoei deitu eta gailua gurasoei itzuliko zaie.

HAUR-HEZKUNTZA

0-3 jangela-zerbitzua

Zuen semea edo alaba Haur Eskolara joango ez den egunetan, 10:00ak baino lehen haureskola@udarregi.eus helbidera idatziz edo 943361216 telefonora deituz jakinaraztea eskatzen dugu. Menuaren deskontua egin ahal izateko, bezperan 13:00ak aurretik jakinarazi behar da idatziz.



Ikasturtean zehar Haur Eskolako erabiltzaileek izango duten menua honakoa izango da: [Haur Eskolako menua](#) eta hauek [intolerantzien menuak](#)

Zorriak

HH 4ko eta HH5eko ikasle batzuegan zorriak sumatu ditugu. Norberak bere seme/alabarekin egoera horretan ohikoak diren higiene neurriak hartzea eskatu nahi dizuegu.


[NEURRI HORIEK](#) ERAGINKORRAGOAK IZAN DAITEZEN SAIATU [DENOK](#) ASTEBURU HONETAN EGITEN TRATAMENDUA



HH 5eko familiei zuzenduta

Ekainean azaldu genizuen bezala, BCBLn (Basque Center on Cognition, Brain and Language) dislexiari buruzko ikerketa bat abiatuko dugu 2026ko hasieran. Ikerketaren helburu nagusia dislexiaren lehenengo zantzuak goiz detektatzea eta dislexiaren garapenean eragina izan dezaketen faktoreak identifikatzea da.

Parte-hartzaileen profil oso zehatza behar dugunez (dislexia duten zuzeneko senideak dituzten HH 5eko haurrak), asmoa proiektuaren informazioa ahalik eta guraso gehienengana zabaltzea da. Hona hemen [informazioa](#)



LEHEN HEZKUNTZA

Guraso-bilerak LH

Bilera orokorretarako datak jakinarazi nahi dizkizuegu.

- | | |
|----------|------------|
| 1. Maila | Irailak 23 |
| 2. Maila | Irailak 25 |
| 3. Maila | Irailak 25 |
| 4. Maila | Irailak 22 |
| 5. Maila | Irailak 24 |
| 6. Maila | Irailak 24 |



Bilerak, **ikasleen geletan** egingo ditugu, **16:45etan**. Bileretako txostenak Alexia bidez bidaliko dira.

Ez da zaintza zerbitzurik egongo.

Zinemaldia

Donostiako Zinemaldiko 73. edizioa dela eta, ostiralean, LHko ikasleek pelikula desberdinak ikusiko dituzte.

LH3 eta LH4koek Donostian **TOTORO AUZOKIDEA** filma ikusiko dute. (Hayao Miyazaki, 1988–Japoniarra).

LH 1 eta 2koek Ikastolan ikusiko dute filme bat eta LH6koek Sutegin.



LH 5eko ikasleen irteera

Datorren astean, hilak 25 eta 26, bi eguneko irteera egingo dugu.

Oiartzungo Arritxuloko aterpera joango gara.

Ostiralean 16:30erako bueltan izango gara.

Eraman beharrekoa ikasleei helaraziko zaie.

